

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzvei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2024

Nd.1 Ng.24

Liggaeuq gvejmaux nienz ndwenlab cibseiq

Geizsoq: Gungh daih 3607 geiz

Swcigih Gaiq Cibseiq Yinzda Baez Hoih Daihngleih Haimuq

1 nyied 22 hauh, Gvangjsih Bouxcuengh Swcigih Gaiq Cibseiq Yinzminz Daihyauj Daihhoih Baez Hoih Daihngleih youq Gvangjsih Yinzminz Veidanz haimuq.

Aen hoih youz daihhoih cujsiz-donz cangzvu cujsiz, caephengz cujsiz Liuz Ningz cujciz. Daihhoih cujsiz-donz cangzvu cujsiz, caephengz cujsiz Fangh Cunhmingz, Cangh Yaujginh, Hoz Vwnzhau, Vangz Veijgingh, Luz Yenbenj, Yangz Cingvaz, Liuz Youjmingz, Couh Gyahbinh youq cujsizdaiz dieg caephengz cujsiz naengh.

Swcigih Gaiq Cibseiq Yinzda Baez Hoih Daihngleih daihyauj wnggai daengz 693 boux, miz 662 boux daihyauj camgya aen hoih haimuq, hab fapdingh soqvunz.

Banhaet 9 diemj, Liuz Ningz senhbu: Gvangjsih Bouxcuengh Swcigih Gaiq Cibseiq Yinzminz Daihyauj Daihhoih Baez Hoih Daihngleih haimuq, daengxcungq ndwn hwnj, caez sing ciengq goguek Cunghvaz Yinzminz Gunghozgoz.

Swcigih cujsiz Lanz Denhliz daihyauj Swcigih Gaiq Cibseiq Yinzminz Cwngfuj coh daihhoih guh 《Cwngfuj Gunghcoz Baugau》.

Lanz Denhliz naeuz, bi 2023 dwg bi hainduj cienzmienh gvancez gij cingsaenz Ngeihcib Daih Dangj, hix

dwg bi hamj ok yamqdin moq hwnghat ndei saed gih raeuz. Siz Ginbingz cungsuhgi gek song bi caiq baez daengz gih raeuz cazyawj, hawj daengx gih gak cuz ganbu ginzcung lai rengzrdw lai miz saenqsim. Raeuz aen hagsib gvancez cawjdaez gyaulyuz aen swhsienj sevei cujyi miz daegsaek Cungguek seizdaih moq Siz Ginbingz guh rengz hung'ak, comz rengz coi hwnghat, comz rengz dwk ciengq geng, haenqrengz doidoengh ginghci dauqswng coh ndei, gak fuengmienh okyienh yienghsiengq moq.

Lanz Denhliz vixok, bineix dwg Cunghvaz Yinzminz Gunghozgoz laebbaenz 75 hopbi, dwg bi gvanhgen saedyienh aen yinvu moegbiu "cibseiq haj" gviveh, guhndei hong bineix yiyi hungnaek. Raeuz yaek aen aen swhsienj sevei cujyi miz daegsaek Cungguek seizdaih moq Siz Ginbingz guj cijdauj, cienzmienh gvancez doeksaed gij cingsaenz Ngeihcib Daih Dangj, Aen Hoih Ngeihcung Gaiq Ngeihcib caeuq gij cingsaenz Aen Hoih Hong Ginghci Cunghyangh, haeujlaeg gvancez doeksaed gij iugouz fanghloz hungnaek Siz Ginbingz cungsuhgi naeuz Gvangjsih, gaenndaet hopheux hwnghat ndei saed aen yinvu daih'it neix caeuq cauhaeb aen gwzgz hwnghat moq aen yinvu canloz

neix, aen couqmaenh gij eiqsik caezcaemh Cunghvaz Minzcuz guh sienqmeh, dingjmaenh aen giekdiuh goek ndaw onj baenaj, caezcingj, cinjdeng, cienzmienh gvancez aen leixniemh hwnghat moq, dungjcouz gyalai ndawyungh caeuq haeujlaeg gaijgwz aen gapgyaq mbiengj gunghawj, dungjcouz baenz hawsingz yienghmoq caeuq cienzmienh saenq-hwnghat lajmbanj, dungjcouz hwnghat ndei saed caeuq ancienz suiyingz sang, cietsaed demgiengz rengzhoengh ginghci, fuengz vaq fungyiemj, gaijndei aenbiengz yawhgeiz, gyamaenh caeuq demgiengz yiengh ginghci dauqswng coh ndei, laebdaeb doidoengh ginghci saedyienh daezswng ndei raeuh caeuq demmaj habileix miz soq, demgya gij fukfaenh ndwengoenz bauxminz, baujcz aenbiengz onjdingh, gejcuengq swhsienj, cauhamoq gouz bienq, coh haij maeuz ak, haicuengq hwnghat, haenqrengz raiz bien faenzcieng Gvangjsih yiengh yendaiva Cungguek.

Lanz Denhliz vixok, bineix aen cujyau yawhgeiz moegbiu ginghci sevei hwnghat gih raeuz dwg: Daengx gih digih swnghean cingciz demmaj 5% doxhwnj, itbuen gunghung yawhsuenq souhaeuj demmaj 3% baedauq, gveihmoz doxhwnj gunghyez

soq gyalai demmaj 6% doxhwnj, dinghmaenh douz cienz roengz goek demmaj 3% doxhwnj, sevei doxgaiq siuhfei gai lingz cingjenge demmaj 5% doxhwnj, caeuq guk rog gaicawx haeujok guk cingjenge demmaj 7% doxhwnj, mbaet naengzliengh gemj baiz gyangq danq gaemhanh youq ndaw aen moegbiu gukgya roengz hawj de, bauxvunz bingzyaenz ndaej ceiboij souhaeuj demmaj caeuq ginghci demmaj caemhyamq, hawsingz demmoq couhnieb 30 fanh baux, hawsingz diucaz saetnieblwd gaemhanh youq 5.5% baedauq, bauxvunz siuhfei gyaqcienz ceijsoq hwnj lai gaemhanh youq ndaw 3%, baenz sou haeuxgwn ndaej lai mbouj ndaej noix.

Ciuq aen hoih anbaiz, daihhoih saemjcaz gij baugau Swcigih Yinzminz Cwngfuj mizgven swcigih 2023 nienz gozminz ginghci caeuq sevei hwnghat giva caephengz cingzgvang caeuq 2024 nienz gozminz ginghci caeuq sevei hwnghat giva caujanq, mizgven daengx gih caeuq swcigih bonj gaep 2023 nienz yawhsuenq caephengz cingzgvang caeuq 2024 nienz yawhsuenq caujanq.

(Gungh Vwnzyingj Cinz Yizcwz Liu Ciyungz daij 《Gvangjsih Yizbau》 aeu daeuj genj hoiz)

Swcigih Cwnghez Gaiq Cibsam Baez Hoih Daihngleih Haimuq

1 nyied 21 hauh, Cunghgoz Yinzminz Cwngci Hezsangh Veiyi Gaiq Cibsam Gvangjsih Bouxcuengh Swcigih Veijyenzvei Baez Hoih Daihngleih youq Nanzningz haimuq.

Sunh Daveij, Vangz Sinhfu, Ciz Sauconh, Fei Ciyungz, Vangz Cinvaz, Cenz Yozmingz, Couh Cwngzfangh, Vangz Naijyoz, Hoz Sinhhing, Vuh Gyahsi, Bungz Genmingz caeuq Luz Nwngzgan daengj youq cujsizdaiz baiz daih'it naengh.

Swcigih Dangjveij lingjdauj Liuz Ningz, Lanz Denhliz, Hoz Vwnzhau, Fangz Lingzminj, Cinz Yizginh, Vangz Veizbingz, Cai Lisinh, Nungz Swnghvwnz, Hij Yungjigo, Couh Yigez, Swcigih Yinzda Cangzveijvei, Cwngfuj lingjdauj banhswj cwngzyenz, Swcigih Gaugaep Fazyen, Genjcazyen baux cujyau fucwz dungzci, Baihnamz Cangh Luzginh cwngveij Fangh Yungjsiengz daengj cap youq Gvangjsih budui ginhcwngh lingjdauj, Swcigih lizduiyoh cwngswngjgiz dungzci geq, gizyauw swngjgiz lingjdauj daengj daengz hoih cukhoh.

Swcigih Cwnghez Gaiq Cibsam

Baez Hoih Daihngleih wnggai camgya veijyenz 690 boux, caen daengz 628 boux, hab gvidingh soqvunz.

Swcigih Cwnghez cujsiz Sunh Daveij daihyauj Cwnghez Gaiq Cibsam Gvangjsih Bouxcuengh Swcigih Veijyenzvei Cangzvu Veijyenzvei guh gunghcoz baugau. Baugau daezok, bi 2024 dwg Cunghvaz Yinzminz Gunghozgoz laebbaenz 75 hopbi, hix dwg Yinzminz Cwnghez laebbaenz 75 hopbi, Swcigih Cwnghez caeuq aen cangzveijvei de aeu gyagiengz swhsienj vujcangh, caenh'itbough guhsaed gij giekdaej swhsienj cwngci caezcaemh doxgiet haenqguh; aeu gyagiengz dangigen yinxlingx, caenh'itbough doeksaed dangj cienzmienh lingjdangj hong cwnghez; aeu gyagiengz goengnaengz hwnqguh, caenh'itbough comzyawj hong cungsam fatok cozyung; aeu gyagiengz dungjcan lienzhaeh, caenh'itbough comz gij rengz hung'ak hwnqguh aen Gvangjsih maenghndei seizdaih moq; aeu gyagiengz souj cingq cauhamoq, caenh'itbough haeujlaeg hengz cizcwz doidoengh hong cwnghez daezcaet

demyauq. Aeu engqgya gaenndaet doxgiet youq henz Cunghung Cunghyangh aeu Siz Ginbingz dungzci guh goek, youq Swcigih Dangjveij gien-gien-gingz lingjdauj baihlaj, gejcuengq swhsienj, cauhamoq gouz bienq, coh haij maeuz ak, haicuengq hwnghat, baengh doxgiet comz rengz, baengh haenqguh cauhaeb nieb, caezcaemh raiz bien faenzcieng Gvangjsih yiengh yendaiva Cungguek.

Swcigih Dangjveij suhgi Liuz Ningz daihyauj Cunghgoz Gunghcanjdangj Gvangjsih Bouxcuengh Swcigih Veijyenzvei cukhoh aen hoih hai swnh. Liuz Ningz daegbied gangj daengz, daengx gih cwnghez gak gaep cujciz caeuq gyoengq cwnghez veijyenz aeu dingjmaenh dangj lingjdauj, doengjit cansen, hezsangh minzcuj doxgiethab ndeindi, dingjmaenh fatyengz minzcuj caeuq gyalai doxgiet doxdoeng, hawj coenz genyi cammaeuz saehguek caeuq comz doxrox song mbiengj ok rengz, hopheux Cunghung Ngeihcib Daih gezcwz baijbouh caeuq gij iugouz fanghloz hungnaek Siz Ginbingz cungsuhgi naeuz Gvangjsih, comzyawj doicaenh yiengh yendaiva

Cungguek aen cwngci ceiq hung neix caeuq hwnghat ndei saed aen dauhleix geng seizdaih moq neix, dinghmaenh gij anbaiz guhhong Swcigih Dangjveij Gaiq Cibngleih Baez Hoih Daihcaet caeuq Aen Hoih Hong Ginghci Daengx Gih, gaenxmaenx hawj coenz genyi cammaeuz saehguek, laebdaeb roengzrengz guh saehngamj saehndei saehsienh, caez ok rengz ceiq hung, caez hoz caemh rengz haicauh aen gizmen moq hwnqguh aen Gvangjsih maenghndei seizdaih moq. Bineix dwg Yinzminz Cwnghez laebbaenz 75 hopbi, daengx gih gak gaep dangjveij aeu hong cwnghez gvihaeuj hong dangjveij cingjdaej baijbouh bae, caezcaemh maeuzveh, caezcaemh anbaiz, caezcaemh doicaenh, haenqrengz haeujcoengh yinzminz cwnghez ciuq fapguek faplwd caeuq cwnghez canghcwngh hengz ciznwnghz, cauha diuzgienh mizleih hawj cwnghez cujciz, doidoengh hong cwnghez gih raeuz mboujduenh yamq hwnj mbaeklae moq.

(Cinz Yizcwz Vangz Cunhnanz Cinz Gyangz daij 《Gvangjsih Yizbau》 aeu daeuj genj hoiz)